



PRESIDÊNCIA DO CONSELHO DE MINISTROS



Komunikadu Imprensa

Toleránsia Pontu kona-ba Selebrasaun Tinan Foun Xinés

Lei número 10/2005, Iorón 10 fulan-agostu, tuir redasaun iha Lei número 3/2016, Iorón 25 fulan-maiu, estabelese Iorón sira ne'ebé maka feriadu nasional, data ofisiál komemorativa sira no ba situasaun sira seluk ne'ebé maka bele fó toleránsia pontu.

Ne'ebé maka relasionala ho toleránsia pontu sira, mak iha al c) husi nu 2, artigu da-7 nian husi lei ne'e rasik, determina katak selebrasaun religioza, ne'ebé la hakerek iha lei ne'e, bele sai nu'udar objetu toleránsia pontu nian.

Komunidade xineza iha ita-nia país ne'e hanesan ona komunidade ida-ne'ebé tuan, ho ninia presenza tinan barak tebes ona no iha importânsia ekonomika no sosiál, ne'ebé merese gratidaun no rekoñesimentu husi timoroan sira.

Tinan Foun Xinés nian ne'e, la iha dúvida, maka serimónia ida-ne'ebé importante liu iha kalendáriu xinés nian hotu, nune'e mós koñesida hanesan "Festa Primavera nian" no data ida-ne'e celebra mós iha país barak husi kontinente aziátiku. Data ne'e celebra hanesan festa família nian no tempu ida-ne'e dedika ba komemorasaun, iha ne'ebé sai hanesan mós serimónia religioza sira hodi agradese ba rai, ba lalehan, ba maromak uma nian no ba beiala sira.

Tuir hakerek iha número 2, al c), husi artigu da-7, no iha número 6 alínea d), husi artigu ne'e rasik, Governu determina tuiirmal:

1. Konsidera toleránsia pontu iha Iorón 5 fulan-fevereiru tinan 2019, durante Iorón tomak;



Palácio do Governo,
Avenida Presidente Nicolau Lobato,
Dili, Timor-Leste



PRESIDÊNCIA DO
CONSELHO
DE MINISTROS



2. Despaxu ida-ne'e abranje ba funzionáriu hotu no ajente husi Ministériu sira ka servisu sira ne'ebé dependente ba ministériu sira-ne'e, nune'e mós ba institutu no organizasaun sira ne'ebé integra iha administrasaun indireta Estadu nian. **REMATA**



Palácio do Governo,
Avenida Presidente Nicolau Lobato,
Dili, Timor-Leste